



SAVEZ RAČUNOVOĐA, REVIZORA I FINANSIJSKIH RADNIKA FBIH
SAVEZ RAČUNOVOĐA, REVIZORA I FINANSIJSKIH DJELATNIKA FBIH

KNEZA VIŠESLAVA bb, 88 000 Mostar, tel/fax: 036/318-660, 036/334-184
e-mail: info@srr-fbih.org
ISEVIĆA SOKAK 4, 71000 SARAJEVO
tel/fax: 033/572-651, 033/572-650, e-mail: sarajevo@srr-fbih.org
web: www.srr-fbih.org

Na osnovu člana 6. Zakona o računovodstvu i reviziji Bosne i Hercegovine ("Službeni glasnik BiH", broj 42/04), člana 7. stava 4. Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj 83/09), Upustva o osnovama i kriterijima kontinuirane profesionalne edukacije („Službeni glasnik BiH“, br. 42/09 i 4/10), čl. 6. i 27. Statuta Saveza računovođa, revizora i finansijskih radnika Federacije Bosne i Hercegovine (u daljem tekstu: Savez), Pravilnika o kontinuiranoj profesionalnoj edukaciji broj: PR-1/12-09, Pravilnika o pribavljanju, odobravanju i nadzoru kontinuirane profesionalne edukacije broj: PR-1/7-2011 i Upustva o načinu prijavljivanja za izvođenje kontinuirane profesionalne edukacije broj: U-KPE-1/11-2011., Upravni odbor Saveza objavljuje sljedeći:

JAVNI POZIV

potencijalnim izvođačima kontinuirane profesionalne edukacije u 2012. godini

Svaki član računovodstvene profesije i srodnih djelatnosti (profesija), dužan je realizirati - pohađati kontinuirano profesionalno obrazovanje u okviru kriterija koji je utvrdila Komisija za računovodstvo i reviziju BiH.

Svi članovi računovodstvene i srodnih profesija su dužni ispuniti kriterij kontinuirane profesionalne edukacije (KPE) u trajanju od najmanje 40 bodova/sati godišnje.

KPE se provodi kao samostalno obrazovanje (individualna edukacija) i organizirana edukacija (sudjelovanje na seminarima, simpozijima i drugim organiziranim vidovima edukacije).

U Program kontinuirane profesionalne edukacije ulaze samo oni organizirani oblici edukacije (seminari, radionice, savjetovanja, škole, simpoziji, kongresi, kursevi i dr.) koji su kao takvi priznati od strane Upravnog odbora Saveza.

Prema Pravilniku o kontinuiranoj profesionalnoj edukaciji, izvođenje KPE se može odobriti svim potencijalnim izvođačima – pravnim licima koja se prethodno obrate Upravnom odboru Saveza sa prijedlogom tema koje će se izvoditi putem svakog pojedinog organiziranog oblika edukacije (seminar, radionica, savjetovanje, škola, simpozij, kongres, kurs i dr.), a koje Upravni odbor Saveza prethodno prizna i odobri kao Program kontinuirane profesionalne edukacije.

Svi priznati i odobreni vidovi KPE imaju se obavljati uz korištenje imena Saveza i uz odgovarajuću naknadu Savezu, čiju visinu određuje Upravni odbor Saveza.

U skladu sa navedenim, pozivamo sva pravna lica koja žele biti izvođači KPE u 2012. godini da Upravnom odboru Saveza dostave **okvirni godišnji prijedlog** oblika i sadržaja edukacije koje namjeravaju organizirati tokom 2012. godine.

Okvirni godišnji prijedlog programa KPE treba sadržavati:

- 1) **oblik edukacije** (npr. seminar, savjetovanje, simpozij, radionica, kurs i sl.) i njihovo **vremensko trajanje**;
- 2) **sadržaj edukacije** koji se može sastojati od:
 - računovodstva, revizije, finansija i drugih sa njima povezanih znanja;
 - organizacijskih i poslovnih znanja i
 - znanja i kompetentnosti u oblasti informacionih tehnologija.

Detaljni sadržaj pojedinih oblasti utvrđen je u Upustvu o osnovama i kriterijima kontinuirane profesionalne edukacije u BiH („Službeni glasnik BiH“, br. 42/09 i 4/10).

- 3) opis nastavnih metoda i korištenih učila;
- 4) popis predavača s njihovim kratkim CV i predavačkim referencama;
- 5) opis sistema internih kontrola kvaliteta priprema, izvršenja i analize efekata edukacije
- 6) rješenje o registraciji (ovjerena kopija ne starija od 6 mjeseci).

Za **priznavanje pojedinačnih programa** i sadržaja KPE tijekom 2012. godine naknadno će se Upravnom odboru Saveza dostavljati posebni zahtjevi, najmanje 10 dana prije početka izvođenja svakog pojedinačnog programa za koji se traži odobrenje na način kako je to utvrđeno Upustvom o načinu prijavljivanja za izvođenje kontinuirane profesionalne edukacije broj:U-KPE-1/11-2011.

Kriteriji na bazi kojih se predložena nastava odobrava i priznaje kao dio Programa KPE su:

- 1) aktualnost i sadržaj tema;
- 2) ispunjenje obaveza prema godišnjem planu edukacije i usklađenost tema sa MOS-ovima;
- 3) reference pravnog lica/organizatora i predavača;
- 4) kvaliteta nastavnih metoda i učila;
- 5) dostupnost edukacije svim članovima Saveza pod jednakim uslovima;
- 6) adekvatnost seminarskog materijala;
- 7) izvršenje ranije odobrenih programa za iste ili srodne teme ili oblasti;
- 8) ispunjenje finansijskih obveza Izvođača prema Savezu po osnovi KPE.

Upravni odbor Saveza zadržava i pravo da u Program KPE odobri i prizna samo dio predloženih tema i/ili odredi broj sati/bodova koji se priznaju za pojedinu temu.

Ovaj javni poziv je stalno otvoren do konca 2012. godine.

U Mostaru, 28. 12. 2011. godine

Broj: JP-2/12-11